



Sarajevska mljekara Milkos - jedina velika mljekara u BiH sa 100% domaćim kapitalom

*Kontrola ulaznih sirovina najvažniji faktor
za mikrobiološku ispravnost proizvoda*

Sarajevska mljekara Milkos je najveća 100% domaća mljekara u BiH. Mlijeko koje Milkos otkupljuje 100% je domaćeg porijekla, proizvedeno u BiH. Broj farmara od kojih direktno otkupljujemo mlijeko je 750 a indirektno Milkos otkupljuje mlijeko preko poljoprivrednih zadruga od dodatnih 2000 farmara. Najveći dobavljač mlijeka jeste naša farma Spreča koja pod kontrolom naših veterinarara, stočara i ratara proizvodi mlijeko izuzetnog fizičko-hemijskog i mikrobiološkog kvaliteta po EU normama. Na farmi sami proizvodimo hranu i na taj način vršimo prevenciju i zaštitu zdravlja naših krava a time i mlijeka.

S obzirom da je veoma aktuelna tema o aflatoksinima i njihovom prisustvu u mlijeku te da smo od naših cijenjenih kupaca dobili veliki broj upita o kvalitetu našeg mlijeka te o zaštiti i kontroli sirovine i gotovog proizvoda smatrali smo da je naša obaveza i odgovornost odgovoriti na ovaj način i kupcima ovim otvoriti potpuno vrata naše mljekare i dati im uvid u kontrolu kvaliteta u cilju zaštite zdravlja naših potrošača.

Mlijeko koje Milkos prima mora zadovoljavati zakonom propisane uslove. Kontrolu mlijeka vrši naša interna laboratorija a zvanične kontrole i analize sirovog mlijeka, poluproizvoda i gotovog proizvoda vrši nadležna inspekcija u referentnim laboratorijama zdravstvenim zavodima u BiH. Naša mljekara vrši veliki broj internih mikrobioloških analiza u cilju prevencije pojave problema i to radimo veoma uspješno u svom mikrobiološkom laboratoriju i stručnim kadrom za te poslove.



Za pojavu aflatoksina u kukuruzu upoznati smo polovinom prošle godine i tada smo počeli vršiti rigoroznu kontrolu mlijeka na našoj farmi Spreča a analize smo radili i u Njemačkoj nezavisnoj laboratoriji „Institut fur Futtermittel LUFA“. Milkos higijensku i mikrobiološku ispravnost gotovih proizvoda zasniva na činjenici da je kontrola ulaznih sirovina najvažniji faktor. Uz odličnu saradnju sa inspeksijskim organima vršimo redovnu kontrolu sirovog mlijeka i hrane na pojedinačnim farmama. Time smo spriječili mogućnost pojave aflatoksina u mlijeku a to dokazuju i rezultati ispitivanja naših proizvoda u Hrvatskoj, Crnoj Gori, BiH i Makedoniji gdje su svi ispitani uzorci bili potpuno ispravni bez povećanog sadržaja aflatoksina.

Osim dobre kontrole ulaznih sirovina značajnu ulogu u nepojavlivanju aflatoksina odigrao je i geografski položaj ogromne većine naših proizvođača mlijeka koji se nalaze na nadmorskoj visini od minimalno 800 mnm do čak 1.300 mnm gdje se NE proizvodi hrana koja je najčešći uzročnik pojave aflatoksina. To su planinska područja Romanije, Jahorine, Igmana, Bjelasnice te Vlašića. Mi ćemo kontrolu mlijeka ne samo na aflatoksine nego i na druge moguće štetne sastojke raditi i dalje i u tom smislu ćemo nabaviti i dodatnu opremu za analize.

Naš cilj i interes je obezbijediti zdravstveno ispravne i kvalitetne proizvode našim kupcima ali i također objasniti kupcima da je kvalitet mlijeka u BiH na visokom nivou te da odgovara standardima EU.

